



Mette Arge-Hammeken
Inatsisartunut ilaasortaq, Naleraq

§ 37 naapertorlugu apeqqutip nr. 216/2025-p akineqarnera

Asasara Mette Arge-Hammeken

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuussutigineqartut qujassutigaaakka. Apeqqutit issuarneqartarput tamatumalu kingorna akineqarlutik.

Ulloq:22-12-2025
Suliap nr:2025-26183
Allakkiap nr: 26067957

Postboks 1160
Tlf: 34 50 00
Fax: 34 55 05
3900 Nuuk
Email: pn@naaq.gl
www.naalakkersuisut.gl

1. 1953-miit 2025-mut Kalaallit Nunatsinni illoqarfinni nunaqarfinnilu sumiiffikkaarlugit ukiulersorlugit qaammatikkaarlugillu arnat naartuaminni peersitsisut qassiusimappat?


Akissut:

Paasissutissanik taakkuninnga naatsorsuineri isumalluutit annertuut piffissarujussuarlu atorlugit naatsorsuisoqarnissaa pisariaqassammat killiliussallu iluanni § 37 naapertorlugu apeqqut akineqarsinnaanngimmat, Kalaallit Nunaanni illoqarfinni nunaqarfinnilu sumiiffikkaarlugit ukiulersorlugit qaammatikkaarlugillu 1953-miit 2025-mut peersitsinerit qanoq amerlatiginerannut tunngatillugu apeqqutip akinissaanut ajoraluartumik paasissutissanik naammattunik pissarsinissaq ajornarpoq.

1973 sioqqullugu peersitsinerit amerlassusiisa Nunatsinni Nakorsaaneqarfiup ukiumoortumik nalunaarusiaani pissarsiarineqarsinnaannginnerat Naalakkersuisut paasissutissiissutigisinnaavaat, taamaammat taamaallaat piffissami 1973-2024-mut tunngasut akissummi pineqarput.

Piffissami 1973-2024-mi peersitsinerit amerlassusiisa ataatsimut nalunaarsornerat diagrammimi napasuusalimmi ataaniittumi takutinneqarput.

Piffissami 1973-2024-mi peersitsinerit amerlassusiisa ineriartornerat



Tusarfik: 2003-mi ukiumoortumik paasissutissat, qupp. 515 (ukiuni 1973-2002) aamma 2004-mi ukiumoortumik paasissutissat, qupp. 553 aamma 2008-mi Nunatsinni Nakorsaaneqarfiup ukiumoortumik nalunaarusiaa, kap. 4, qupp. 15 aamma 2013-imi Nunatsinni Nakorsaaneqarfiup ukiumoortumik nalunaarusiaa, kap. 4, qupp. 11 taavalu 2017-imi nunatsinni naartuersinnerit pillugit Nunatsinni Nakorsaaneqarfiup allakkiaa, qupp. 3.

2. Arnat peersitsisut suna peqqutaalluni peersitsisimanersut nalunaarsugaappat?

Akissut:

Sapaatit akunnerini siullerni aqqaneq marlunni naartunermi peersitsinermut pissutaasut nalunaarsuinnermi nassuiarneqanngillat.

Nunatsinni naartuersinnerit pillugit paasisaqarnerorusukkuut, taava [Nunatsinni Nakorsaaneqarfiup naartuersinnerit pillugit ukiumoortumik nalunaarusiai](#) takukkit.

Inuulluaqqusillunga

Anna Wangenheim